

Ick Johan Semmelbecker, radtman to Luneborech, bekenne openbare in vnde mit desseme breve vor als weme, so also ick my in myneme testamente beholden hebbe enen artikel, aldus ludende, wes ick ok hir enbaven vorgevende worde, vormiddelst anderen byscrifften, cedenlen offte handtscrifften etc. Dat men sodans schal stede holden, gelick oft id van worde to worden in myn testament gescreven stunde. Alsedeme heren Hinrick Tobingh, borgermester, vnde Elsebe, myn dochter, syn husfrouwe, to der ere Godes, dat altar Sancti Ieronimi in der kercken to sunte Johanse hebben gemaket laten, getziret vnde myt nottrofftigen ornathe besorget; dar ok alle dage ene misfen bette herto hewen lesen laten, vnde darto myth den ersten gedencken wise rente to makende; dar van deme officianten vnme Godes willen ene almisen, vnde ore officianten gelt to gevende vnde dath so ewigen to ewigen tiden to holdende, So geve ick darto ok van der redeschoppe vnde myneme gesparden gelde twehundert mark, dede men heren Hinricke Tobinghe vorbenompt schal antworden vppe iarlike rente: also achte marek geldes myt sampt den anderen renten, de he vnde myn dochter to behuff des sulven Godesdenstes willen beleggen, ok schal beleggen vnde dorch de diffinitores ¹⁾ des Kalandes boren laten vnde eneme prestere de officianten bevelen, dede alle hillige dage, wan men de homisen anhevet, dar sulves vor deme altare sancti Jeronimi schal misfen lesen, den almechtigen Godt vor my, myne husfrouwen, kindere vnde elderen, frunde vnde alle cristenzele truweliken bidden. So here Hinrick Tobingh in den breven mit sampt den sinen daraver wil maken laten wol clarliker vnde beschedeliker, so he des myne meninge wol vorstan hefft vnde ick ome des macht gegeven hebbe, wil vthdrucken vnde allenthalven vorwaren laten, so ick in myneme

1) Sdschr.: diffiniteres.